

UGOVOR O NADOGRADNJI ENERGETSKE I RAČUNARSKE MREŽE

Zaključen između:

1. **"europroNET Bosnia" d.o.o.**, 71000 Sarajevo, Ul. Fra Anđela Zvizdovića broj 1, kojeg zastupa direktor Julien Coustaury, (u daljem tekstu: "EPN"), i
2. **JU „Deveta osnovna škola“**, Rakovička cesta 339, 71000 Sarajevo, kojeg zastupa direktor **Nermin Budnjo**, (u daljem tekstu: „Pretplatnik“).

Član 1.

Predmet ovog Ugovora je nadogradnja energetske i računarske mreže, putem resursa EPN.

Član 2.

EPN se obavezuje:

- Da će pretplatniku izvršiti nadogradnju energetske i računarske mreže, shodno specifikaciji iz ponude broj: 05/12-1
- Da će pretplatniku izvršiti nadogradnju u roku od 60 dana

Ukupna cijena usluge /jednokratno/: 2.092,00 KM

Cijene su bez PDV-a u iznosu od 17 %

Član 3.

EPN se obavezuje da će poduzimati sve neophodne aktivnosti da Pretplatniku omogući primjeren kvalitet.

Član 4.

Sve informacije i podaci koje će jedna ugovorna strana učiniti dostupnima drugoj ugovornoj strani u svrhu izvršavanja obaveza iz ovog Ugovora, kao i ovaj Ugovor u cijelosti, smatraju se povjerljivim podacima. Bez izričito pisanog ovlaštenja druge ugovorne strane, povjerljivi podaci se ne mogu koristiti, osim u svrhu izvršenja ovog Ugovora kao i u svrhu realizacije potraživanja po ovom Ugovoru. Osim uz prethodno pisano ovlaštenje druge ugovorne strane, ili na temelju zakonske ili regulatorne obaveze, naloga ili zahtjeva izdanog od strane nadležno suda ili regulatornog, sudskog ili upravnog tijela, ugovorne strane su saglasne i garantuju da, u bilo kojem razdoblju tokom trajanja ovog Ugovora, ili u bilo koje vrijeme nakon toga, neće objaviti, dati, proširiti, dobiti, ili učiniti pristupačnima povjerljive podatke druge ugovorne strane.

Obaveza čuvanja tajnosti povjerljivih podataka ne odnosi na podatke koji se već nalaze u posjedu druge ugovorne strane u pogledu kojih ta druga ugovorna strana nije bila u obavezi čuvati ih u tajnosti; koji su u trenutku ili nakon sklapanja ovog Ugovora objavljeni u javnosti, a za koju objavu ne odgovara druga ugovorna strana; koje je druga ugovorna strana pribavila ili su joj obznanjeni od strane trećih osoba koje nisu u obavezi čuvanja tih podataka u tajnosti; koje je u trenutku ili nakon sklapanja ovog Ugovora potrebno objaviti u skladu sa važećim propisima i odluci nadležnog državnog tijela.

Ugovorna strana koja povrijedi obavezu čuvanja tajnosti povjerljivih podataka iz ovog člana, bit će odgovorna za svaku štetu, bez bilo kakvih ograničenja, koja je nastala za drugu ugovornu stranu kao posljedica povrede obaveze čuvanja tajnosti podataka.

Član 5.

Niti jedna ugovorna strana neće biti odgovorna za neispunjenje, zakašnjenje ili prekid u ispunjenju svojih ugovornih obaveza kad je do istog došlo uslijed djelovanja više sile. Pod višom silom smatra se događaj čije učinke nije bilo moguće predvidjeti, izbjeći niti otkloniti, što uključuje ali bez ograničenja na rat, štrajk, elementarne nepogode itd. Ugovorna strana koja je spriječena u izvršavanju svojih ugovornih obaveza iz ovog Ugovora uslijed razloga koji se prema ovom Ugovoru smatraju višom silom, dužna je bez odgađanja, a najkasnije u roku od 48 sati od djelovanja više sile, pisanim putem obavijestiti drugu ugovornu stranu o razlozima i pripadajućim dokazima nastanka više sile. Nakon što je nastup događaja koji se smatraju višom silom dokazan, ugovorne strane mogu, nakon razgovora vođenih u dobroj vjeri, dogovoriti daljnje izvršavanje ovog Ugovora.

Član 6.

Pretplatnik se obavezuje da će o svakoj promjeni svoje adrese i/ili statusnoj promjeni obavijestiti EPN u pismenom obliku, najkasnije 8 dana nakon nastale promjene. Sve finansijske i druge posljedice koje bi nastale zbog neblagovremenog dostavljanja informacija o promjenama snosi Pretplatnik.

Član 7.

Ugovorne strane saglasno utvđuju cijenu usluga, bliže označenih u članu 2. ovog ugovora, na način da ista iznosi **2.090,00 KM uvećana za iznos PDV-a od 17%**. Ugovorne strane su saglasne da se plaćanje korištenih usluga vrši u roku od 15 dana od dana dostavljanja Računa. Uplate izvršiti na tekući račun BIH kod Raiffeisen BANK d.d. Bosna Hercegovina, broj: 161000021670005 pozivom na broj Ugovora.

Član 9.

Ugovor stupa na snagu od dana njegovog obostranog potpisivanja, s tim da se isti primjenjuje od dana priključenj infrastrukture Pretplatniku.

Član 10.

Pretplatnik se obavezuje da neće omogućiti, prenijeti ili u bilo kojem smislu prenositi svo ili djelimično pravo koj obuhvata ovaj Ugovor na treća lica, bez prethodne pismene saglasnosti EPN.

Član 11.

Ugovorne strane su saglasne da se promjena specifikacije iz Člana 2. Ugovora, vrši aneksom Ugovora.

Član 12.

Sporove proistekle u realizaciji ovog Ugovora, ugovorne strane će rješavati sporazumno, u protivnom ugovara s nadležnost suda u Sarajevu.

Član 13.

Ugovor je sačinjen u 4 (četiri) primjerka od kojih po 2 (dva) primjerka zadržava svaka ugovorna strana.

Datum: 12.12.2017.godine

Broj: 20767 /17

europroNET Bosnia d.o.o.:



Broj: 640/17
Pretplatnik:

